

- Mes tabé, qu'a lous os hèyts de pèyre de talhe,
E lou bente bourrat de calhaus arrebots.

Nou, per ma fé ! n'èy pas u pount de rapatalhe
E lous qui l'abèn hèyt n'èren pas bouharots !

- Per aco, lou lous hilhs que tiren pla de race ;
Enta garrapeta , lèstes coum esquiròus,
Pas méy que parpalhòus nou demouren en place.

Deya touts chins, que soun hardits coum **cabiròus**

- Si-us bedèt, p'descaus, per dessus la murralhe
Deu pount, de cap à cap, chens yaméy manca pè,
Perseguis e gaha-s per darrè la tabalhe
Au risque de-s yeta déu soum déu parapè !...

- Adounc, lou pount qu'èy haut, e l'aygue qu'èy pregoune !
Si-us bienè l'enluère, à d'aquets mounardots,
Be harén dounc, labéts, la bère capihoune !...
Més nou-s negarén pas : que naden coum pechots.

- La bouts déu pount que l'èy, qu'òan de cops entenede !
Las cargues, en passan, que-u hèn pla drin brouni,
Més la rée toustém que demoure tenude
Chens crouchi, ni sustout, ta capbat s'ahouni.